


# C O R S I C A.

21



Nomen.



Orsica nomen habet  
 Ὀρσικῆς δὲ λέγῃ βραχίονα,  
 ut tradit Stephanus  
 de Urbibus. Alii à  
 Corso ejus terræ Do-  
 mino sic dictam vo-  
 lunt, nonnulli à qua-  
 litate montis alicu-  
 jus: eo quod ὀρσος  
 apud Græcos sonet

templum cacuminis seu montis. Græci hanc  
 κύριον appellavere, à Cyrno Herculis filio, κερνε-  
 τις Lycophroni, Teraphne ab Ovidio nomina-  
 ta est, ut scribit Villanovanus. Ab occidente &  
 septentrione respicit mare Ligusticum, ab ortu  
 Tyrrhenum, à meridie Sardiniam.

Termini.

Veteres in-  
 colæ.

Incolæ duce Africano hic enutriti. Postea  
 Phocenses, Græciæ populus, ex Ionia hic co-  
 lonias suas statuere, Cyro Persis imperante, cir-  
 citer Olympiadem LVI, annos ante Christum  
 natum DL. Hos ejecerunt Tyrrheni, qui Nicæ-  
 am condidere, cum universo mari imperarent,  
 reliquasque insulas occuparent. Deinde Roma-  
 ni eam occuparunt, eoque duas colonias dedu-  
 xerunt Marianam & Aleriam, quæ adhuc ex-  
 Italia.

stant. Cætera Barbari tenuere. Proinde cum  
 Romani in eos irruerunt, magnum servorum  
 gregem captum Romam adduxerunt, exiguo  
 fructu, quod tam nequam servi essent, tamque  
 bruti, ut quamvis vili emerentur, tamen domi-  
 nos semper emptionis pœniteret; ut Strabo  
 scribit. Romanis succedere Saraceni, his pro-  
 fligatis Genuenses, tum Pisani: hodie vero ad  
 Genuenses jus rediit, qui quotannis eo Præfe-  
 ctum mittunt.

Insula hæc ab omni parte aditu difficilis est, Soli quali-  
 cum præruptis undique collibus comprehen-  
 sit. Interius similiter magna ex parte montosa,  
 eoque nec frumenti nec leguminum adeo fer-  
 tilis est; quæ nisi paucis quibusdam locis cre-  
 scunt, ubi se aperit atque fluminibus & aquis  
 irrigatur, ac feracissima redditur. Ea pars quæ  
 respicit Etruriam est mediocriter plana, ha-  
 betque ibi fœcundum solum & producit nobi-  
 les dulcesque fructus. Vina insulæ præstantissi-  
 ma primæque nobilitatis, & à Romanis sem-  
 per expetita, Corsica à loco dicuntur. Mellis &  
 resinæ hic magna ubertas: olei item & ficuum.  
 Cæterum mella Corsicana amara esse notavit  
 Servius in IV Georg. Fitque hoc ob taxi co-  
 piam,

Q